



სოციალური მომსახურების სააგენტო
SOCIAL SERVICE AGENCY

გამარტივებული ელექტრონული
ტენდერის

დოკუმენტაცია

საარქივო თარო – სტელაჟის სახელმწიფო შესყიდვის შესახებ
(CPV39100000; CPV39151100)

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლისა და „გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე

ქ. თბილისი
2016 წელი

სარჩევი

- ტექნიკური დოკუმენტაცია
- სახელმწიფო შესყიდვის შესახებ ხელშეკრულების პროექტი
- დანართი N1 რეკვიზიტები
- დანართი N2 ფასების ცხრილი, მიწოდების ვადა და ადგილი
- დანართი N3 შესყიდვის ობიექტის სპეციფიკაცია

სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1. ტექნიკური დოკუმენტაცია

1.1. საკვალიფიკაციო მოთხოვნები:

საკვალიფიკაციო მოთხოვნები პრეტენდენტს არ მოეთხოვება.

1.1.1. როგორც იურიდიული ასევე ფიზიკური პირებისათვის:

ა) პრეტენდენტის რეკვიზიტები – დანართი №1-ის მოთხოვნათა გათვალისწინებით;

ბ) სატენდერო წინადადების ფასი (სატენდერო წინადადების ფასი უნდა მოიცავდეს ამ ტენდერით გათვალისწინებული საქონლის მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს, მათ შორის, რეგიონებში ტრანსპორტირების ხარჯს, რომელთა გადახდა ეკისრება მიმწოდებელს), მიწოდების ვადა და ადგილი, დანართი N2-ის მიხედვით.

გ) ინფორმაცია საგარანტიო პირობებისა და ვადების შესახებ (არანაკლებ 1 წელი).

1.2. პრეტენდენტმა 1.1.1. პუნქტში ჩამოთვლილი ინფორმაცია ელექტრონულ სისტემაში უნდა ატვირთოს ტექნიკურ დოკუმენტაციასთან ერთად.

2. ანგარიშსწორების პირობები:

2.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის (მათ შორის, რეგიონებში ტრანსპორტირების ხარჯის) გათვალისწინებით, რომელთა გადახდა ეკისრება მიმწოდებელს.

2.2. ანგარიშსწორება მოხდება უნაღდო ანგარიშსწორებით ლარში, ფაქტიურად მოწოდებული საქონლის შესაბამისად.

2.3. ანგარიშსწორება განხორციელდება საქონლის მიწოდებისთანავე დამადასტურებელი დოკუმენტის (საგადასახადო ანგარიშ-ფაქტურა, იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა საქართველოს ფინანსთა სამინისტროს სსიპ „შემოსავლების სამსახურიდან“) წარმოდგენის, სასაქონლო ზედნადებისა და შესაბამისი მიღება-ჩაბარების აქტის გაფორმების თარიღიდან არა უგვიანეს 10 (ათი) სამუშაო დღის განმავლობაში.

3. შესყიდვის ობიექტის ტექნიკური პარამეტრები:

3.1. შესყიდვის ობიექტია: საარქივო თარო, ე. წ. „სტელაჟი“ - სატენდერო დოკუმენტაციის დანართი N3).

3.2. საქონლის მიწოდება უნდა განხორციელდეს ეტაპობრივად, დანართი N2-ში მითითებული ვადების და მიწოდების ადგილის შესაბამისად, შემსყიდველის კონკრეტული მოთხოვნიდან 10 (ათი) სამუშაო დღის განმავლობაში.

3.3. საქონლის მიწოდება უნდა განხორციელდეს მისამართზე:

3.3.1. ქ. თბილისი, მოსკოვის გამზირი N25 – 10 (ათი) ცალი „სტელაჟი“;

3.3.2. ქ. ოზურგეთი, გოგებაშვილის ქ. N2 – 15 (თხუთმეტი) ცალი „სტელაჟი“;

3.4. შემსყიდველი მოთხოვნას (შეკვეთას) განახორციელებს წერილობითი ან ელექტრონული ფოსტის მეშვეობით. ელექტრონულ ფოსტაზე გაგზავნილი მოთხოვნა (შეკვეთა) ითვლება ოფიციალურ მოთხოვნად (შეკვეთად).

3.5. წუნის არსებობის შემთხვევაში, მიმწოდებელმა შემსყიდველის მოთხოვნიდან 5 (ხუთი) სამუშაო დღის განმავლობაში საკუთარი ხარჯებით აღმოფხვრას დაზიანება ან ჩაანაცვლოს ახლით.

4. ინფორმაცია ტენდერში მონაწილეთათვის

4.1. ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე.

4.2. სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედადსმული უნდა იყოს უფლებამოსილი პირის მიერ.

4.3. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

4.4. სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯის გათვალისწინებით - საქართველოს კანონმდებლობით დადგენილი გადასახადები, თუ მოსაკრებლები (მათ შორის - დღგ).

4.5. სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

4.6. დამატებითი ინფორმაცია შეგიძლიათ მიიღოთ შემდეგი საკონტაქტო პირისაგან: სატენდერო კომისიის აპარატის წევრი: მაია ძეგველიშვილი: ტელ: 599346370, ელ.ფოსტა: mdzegvelishvili@ssa.gov.ge.

შენიშვნა: სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე. უცხო ენაზე შედგენილი დოკუმენტები უნდა იყოს თარგმნილი ქართულ ენაზე და დამოწმებული სანოტარო წესით.

სატენდერო წინადადების წარდგენით პრეტენდენტი ავტომატურად გამოხატავს თანხმობას ტექნიკური პირობებით განსაზღვრულ მოთხოვნებზე.

5. ტექნიკური დავალება

N	საქონლის დასახელება	დასახელება და ტექნიკური მაჩვენებლები (ანალოგიური მონაცემების ან უკეთესი)	განზომილების ერთეული	რაოდენობა
1	საარქივო თარო („სტელაჟი“)	მეტალის კონსტრუქცია - 20 მმ; ფოლადის კუთხოვანით დამზადებული; თაროს გვერდებში შუა ზოლზე - 20 მმ; მეტალის ზოლოვანა ორივე მხარეს აგრეთვე მიდუღებული; კონსტრუქცია მთლიანად შეკრული ელ. შედუღებით; შეღებილი მაღალი ხარისხის საღებავით; თაროებს შორის მანძილი - 36 სმ. თაროები - ლამინირებული მერქან ზურბუმელის ფილით (ლამინატი)	ცალი	10
2	საარქივო თარო („სტელაჟი“)	მეტალის კონსტრუქცია - 20 მმ; ფოლადის კუთხოვანით დამზადებული; თაროს გვერდებში შუა ზოლზე - 20 მმ; მეტალის ზოლოვანა ორივე მხარეს აგრეთვე მიდუღებული; კონსტრუქცია მთლიანად შეკრული ელ. შედუღებით; შეღებილი მაღალი ხარისხის საღებავით; თაროებს შორის მანძილი - 36 სმ. თაროები - ლამინირებული მერქან ზურბუმელის ფილით (ლამინატი)	ცალი	15

- მოწოდებული საქონელი უნდა შეესაბამებოდეს ან აღემატებოდეს სატენდერო დოკუმენტაციის ტექნიკური დავალებით მოთხოვნილს.
- შესყიდვის ობიექტის სპეციფიკაცია იხილეთ დანართში N3

შენიშვნა: მოსაწოდებელ საქონელზე საგარანტიო ვადა არანაკლებ 1 (ერთი) წელი, საქონლის მოწოდების თარიღიდან.

სახელმწიფო შესყიდვის შესახებ ხელშეკრულება

(ხელშეკრულების პროექტი ატარებს ნიმუშის ხასიათს და მისი საბოლოოდ შეჯერება მოხდება მიმწოდებელთან ხელშეკრულების დადების პროცესში სატენდერო დოკუმენტაციისა და მიმწოდებლის სატენდერო წინადადების გათვალისწინებით)

ქ. თბილისი

----- 2016 წ.

1. ხელშეკრულების მხარეები

1.1. ერთი მხრივ, სსიპ „სოციალური მომსახურების სააგენტო“ (შემდგომში - „შემსყიდველი“), წარმოდგენილი სააგენტოს დირექტორი სახით და მეორე მხრივ, ----- (შემდგომში - „მიმწოდებელი“), წარმოდგენილი მისი ----- სახით, ვხელმძღვანელობთ რა საქართველოს მოქმედი კანონმდებლობით, მათ შორის „სახელმწიფო შესყიდვების შესახებ“ საქართველოს კანონით, ვდებთ წინამდებარე ხელშეკრულებას შემდეგზე:

2. ხელშეკრულების საგანი

2.1. ხელშეკრულების საგანს წარმოადგენს ----- შესყიდვა (CPV39100000, 39151100).

3. ხელშეკრულების ღირებულება

3.1. ხელშეკრულების საერთო ღირებულება შეადგენს ----- (-----) ლარს.

3.2. ხელშეკრულების ღირებულებაში შედის საქართველოს კანონმდებლობით დადგენილი ყველა გადასახადი/მოსაკრებელი/სახდელი, რომლის გადახდა ეკისრება „მიმწოდებელს“.

4. საქონლის მიწოდების პირობები

4.1. საქონლის მიწოდება უნდა განხორციელდეს ეტაპობრივად, დანართ N2-ში მითითებული ვადების და მიწოდების ადგილის შესაბამისად, შემსყიდველის მოთხოვნიდან 10 (ათი) სამუშაო დღის განმავლობაში. მიწოდების ადგილი: -----.

4.2. „მიმწოდებლის“ მიერ მიწოდებული საქონლის ხარისხსა და ვარგისიანობაზე სრული პასუხისმგებლობა ეკისრება „მიმწოდებელს“.

4.3. წუნის არსებობის შემთხვევაში, მიმწოდებელმა შემსყიდველის მოთხოვნიდან 5 (ხუთი) სამუშაო დღის განმავლობაში საკუთარი ხარჯებით უნდა აღმოფხვრას დაზიანება ან ჩაანაცვლოს ახლით.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება, საქონლის მოწოდებისთანავე უნდა გაფორმდეს „მიღება-ჩაბარების“ აქტით, რის საფუძველზეც „მიმწოდებელი“ „შემსყიდველს“ წარუდგენს სასაქონლო ზედნადებს, საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში, ხოლო თუ „მიმწოდებელი“ არ არის დღგ-ს გადამხდელი, იგი წარმოადგენს კომპეტენტური ადმინისტრაციული ორგანოს მიერ გაცემულ ცნობას.

6. ანგარიშსწორების ფორმა და ვადები

6.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

6.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი, წარმოდგენილი სასაქონლო ზედნადები და საგადასახადო ანგარიშ-ფაქტურა. იმ შემთხვევაში, თუ „მიმწოდებელი“ არ არის დღგ-ს გადამხდელი, წარმოდგენილ უნდა იქნეს კომპეტენტური ადმინისტრაციული ორგანოს მიერ გაცემული ცნობა.

6.3. „მიმწოდებელთან“ ანგარიშსწორება ხორციელდება 6.2. პუნქტით გათვალისწინებული პირობების დასრულების შემდეგ 10 (ათი) სამუშაო დღის განმავლობაში.

6.4. „მიღება-ჩაბარების“ აქტის, სასაქონლო ზედნადების და საგადასახადო ანგარიშ-ფაქტურის (კომპეტენტური ადმინისტრაციული ორგანოს მიერ გაცემული ცნობის და სათანადო ინვოისის) წარმოდგენის გარეშე, არ მოხდება თანხის გადახდა.

7. მხარეთა ვალდებულებები**7.1. „მიმწოდებელი“ ვალდებულია:**

7.1.1. მიაწოდოს „შემსყიდველს“ საქონელი დადგენილ ვადაში;

7.1.2. მიაწოდოს „შემსყიდველს“ უფლებრივად და ნივთობრივად უნაკლო საქონელი;

7.1.3. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.4. წუნდებული საქონლის მიწოდების შემთხვევაში, შემსყიდველის მოთხოვნიდან 5 (ხუთი) სამუშაო დღის განმავლობაში საკუთარი ხარჯებით აღმოფხვრას დაზიანება ან ჩაანაცვლოს ახლით.

7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.1.6. დაიცვას ხელშეკრულებით გათვალისწინებული ყველა პირობა.

7.2. „შემსყიდველი“ ვალდებულია:

7.2.1. უზრუნველყოს „მიმწოდებლისათვის“ თანხის გადახდა წინამდებარე ხელშეკრულების 6.3. და 6.4. პუნქტების შესაბამისად;

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების

შესრულებასთან;

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლებები

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული ანაზღაურება.

8.2. „შემსყიდველს“ უფლება აქვს:

8.2.1. აწარმოოს მიწოდებული პროდუქციის რაოდენობის კონტროლი;

8.2.2. განაცხადოს უარი უხარისხო საქონლის მიღებაზე.

9. ფორს-მაჟორი

9.1. ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ (ნაწილობრივ) შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ ხელშეკრულების დადების მომენტში არ შეეძლოთ სცოდნოდათ.

9.2. გადაულახავ ძალად ჩაითვლება შემდეგი (და არა მხოლოდ):

9.2.1. სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);

9.2.2. გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;

9.2.3. ეპიდემიები;

9.2.4. ბლოკადა ან ნებისმიერი ეკონომიკური ემბარგო;

9.2.5. ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტის გამოცემა, რომელიც ზემოქმედებს მხარეების მიერ ხელშეკრულებით ნაკისრი ვალდებულებების შესრულებაზე და ცვლის, წყვეტს ან აჩერებს ხელშეკრულების დებულებებსა და პირობებს.

9.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

9.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა).

9.5. ფორს-მაჟორული გარემოებების არსებობა ავტომატურად არ იწვევს ხელშეკრულების გაუქმებას. მხარეები ვალდებული არიან განსაზღვრონ წინამდებარე ხელშეკრულების ფორს-მაჟორულ მოვლენებთან მისადაგების საკითხი.

9.6. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

9.7. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

9.8. მხარე არ თავისუფლდება პასუხისმგებლობიდან, თუ კი ფორს-მაჟორული მოვლენის დადგომა გამოწვეულია მისი ბრალით.

10. ხელშეკრულების პირობების და ფასების გადასინჯვა

10.1. სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.

10.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველს“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11. სადავო საკითხების გადაწყვეტა

11.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ „შემსყიდველი“ და „მიმწოდებელი“ ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების პირობების შეუსრულებლობა

12.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობისათვის ან არაჯეროვნად შესრულების შემთხვევაში ხელშეკრულების მხარეებს ეკისრებათ პირგასამტეხლო შეუსრულებელი ვალდებულების 0,02%-ის ოდენობით ყოველი ვადაგადაცილებული (კალენდარული) დღისათვის.

12.2. საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან.

12.3. იმ შემთხვევაში, თუ „მიმწოდებელი“ გადააცილებს ხელშეკრულებით გათვალისწინებული შესყიდვის ობიექტის მიწოდების ვადას 10 (ათი) კალენდარული დღით, „შემსყიდველს“ უფლება აქვს შეწყვიტოს ხელშეკრულება და მოსთხოვოს „მიმწოდებელს“ პირგასამტეხლოს სახით ხელშეკრულების ღირებულების 10%-ის ოდენობით ანაზღაურება.

12.4. ამ მუხლით გათვალისწინებული საჯარიმო სანქციების გარდა, თითოეული მხარე ვალდებულია აუნაზრაუროს მეორე მხარეს ვალდებულებათა შეუსრულებლობით ან არაჯეროვანი შესრულებით მიყენებული ზიანი, ამ ხელშეკრულებით და/ან მოქმედი

კანონმდებლობით დადგენილი პირობების შესაბამისად.

13. ხელშეკრულების კონტროლი

13.1. ხელშეკრულების შესრულების კონტროლს განახორციელებს კოორდინატორი, სოციალური მომსახურების სააგენტოს -----

13.2. კოორდინატორის ფუნქციებია:

13.2.1. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება.

13.2.2. სახელმწიფო შესყიდვის შესახებ ხელშეკრულების პირობების შესაბამისად „მიმწოდებელთან“ ანგარიშსწორების პროცესის რეგულირება და „მიღება-ჩაბარების“ აქტის გაფორმება.

14. ხელშეკრულების ენა

14.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ ენაზე.

15. ხელშეკრულების შეწყვეტა

15.1. ხელშეკრულება შეიძლება შეწყდეს ერთ-ერთი მხარის ინიციატივით მხარეთა ურთიერთშეთანხმების საფუძველზე.

15.2. ხელშეკრულების 15.1. პუნქტით გათვალისწინებულ შემთხვევაში მხარე ვალდებულია მეორე მხარეს აღნიშნულის თაობაზე აცნობოს წერილობით.

15.3. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან ხელშეკრულების შეწყვეტამდე.

15.4. ხელშეკრულება აგრეთვე შეიძლება შეწყვეტილ იქნეს:

15.4.1. ურთიერთვალდებულებების შესრულებით.

15.4.2. საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

16. ხელშეკრულების მოქმედების ვადა

16.1. წინამდებარე ხელშეკრულება ძალაშია ხელმოწერის დღიდან და მოქმედებს 2016 წლის ----- ჩათვლით.

17. დასკვნითი დებულებები

17.1. მხარეები ხელმძღვანელობენ ურთიერთპატივისცემის პრინციპით და თანამშრომლობის გაღრმავების სურვილით.

17.2. ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.

17.3. მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

17.4. ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების შეუსრულებლობის, ხელშეკრულების პირობების დარღვევის შესახებ და ა.შ., თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება.

17.5. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

17.6. ხელშეკრულების რომელიმე ნორმის (მუხლი, პუნქტი) ბათილად ან გაუქმებულად გამოცხადება არ იწვევს მთლიანად ხელშეკრულების ბათილობას ან გაუქმებას. იმ შემთხვევაში, თუ ხელშეკრულების რომელიმე ნორმის (მუხლის, პუნქტის) ბათილობის/გაუქმების საფუძველია საქართველოს კანონმდებლობაში განხორციელებული ცვლილება, რაც ამოქმედდა წინამდებარე ხელშეკრულების ხელმოწერის შემდეგ, მხარეები ვთანხმდებიან, რომ ამ შემთხვევაში არ არის სავალდებულო ხელშეკრულებაში კორექტირების შეტანა შეთანხმებით, ხოლო ბათილად/გაუქმებულად გამოცხადებული ხელშეკრულების ნორმის (მუხლის, პუნქტის) ნაცვლად მხარეები იხელმძღვანელებენ საქართველოს მოქმედი კანონმდებლობით.

17.7. წინამდებარე ხელშეკრულების ფარგლებში მხარეთა შორის ინფორმაციის გაცვლა, შეტყობინების გაგზავნა და ა. შ. შესაძლებელია განხორციელდეს როგორც წერილის გაგზავნით, ისე ელექტრონული ფოსტის მეშვეობით.

17.8. ამ ხელშეკრულებით განსაზღვრული ვადის უქმე ან დასვენების დღეებზე დამთხვევის შემთხვევაში, შესაბამისი პირობა უნდა შესრულდეს არა უგვიანეს დადგენილი ვადის მომდევნო სამუშაო დღეს.

17.9. წინამდებარე ხელშეკრულება გაფორმებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით. წინამდებარე ხელშეკრულებით გაუთვალისწინებელი საკითხები რეგულირდება საქართველოს მოქმედი კანონმდებლობით.

17.10. ხელშეკრულება შედგენილია ----- (-----) ფურცლად, 3 ეგზემპლარად და თითოეულ მათგანს თანაბარი იურიდიული ძალა აქვს. ხელშეკრულების ერთი ეგზემპლარი ინახება „მიმწოდებელთან“, ორი ეგზემპლარი - „შემსყიდველთან“.

შემსყიდველი:

მიმწოდებელი:

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

ელექტრონული ფოსტის მისამართი საკონტაქტო
პირ(ებ)ის მითითებით, რომელზეც გაგზავნილი მოთხოვნა (შეკვეთა)
ითვლება ოფიციალურ მოთხოვნად (შეკვეთად)

(თანამდებობა, სახელი, გვარი)

(ხელმოწერა)

ფასების ცხრილი

(შევსების თარიღი)

საქონელს გადავაზობთ _____ () ლარად.
(თანხა ციფრებით) (თანხა სიტყვიერად)

(პრეტენდენტის დასახელება)

N	საქონლის დასახელება	მახასიათებლები	განზომილუ ბის ერთეული	რაოდენობა	წარმოშობის ქვეყანა	მწარმოებელი კომპანია	ერთეულის ფასი (ლარი)	საერთო ფასი (ლარი)	მიწოდების ვადა და ადგილი
1	საარქივო თარო („სტელაჟი“)	მეტალის კონსტრუქცია - 20 მმ; ფოლადის კუთხოვანით დამზადებული; თაროს გვერდებში შუა ზოლზე - 20 მმ; მეტალის ზოლოვანა ორივე მხარეს აგრეთვე მიდუღებული; კონსტრუქცია მთლიანად შეკრული ელ. შედუღებით; შეღებილი მაღალი ხარისხის საღებავით; თაროებს შორის მანძილი - 36 სმ. თაროები - ლამინირებული მერქან ბურბუშელის ფილით (ლამინატი)	ცალი	10					„შემსყიდველის“ მოთხოვნიდან 10 (ათი) სამუშაო დღის განმავლობაში. შემდეგ მისამართზე: ქ. თბილისი, მოსკოვის გამზირი N25
2	საარქივო თარო („სტელაჟი“)	მეტალის კონსტრუქცია - 20 მმ; ფოლადის კუთხოვანით დამზადებული; თაროს გვერდებში შუა ზოლზე - 20 მმ; მეტალის ზოლოვანა ორივე მხარეს აგრეთვე მიდუღებული; კონსტრუქცია მთლიანად შეკრული ელ. შედუღებით; შეღებილი მაღალი ხარისხის საღებავით; თაროებს შორის მანძილი - 36 სმ. თაროები - ლამინირებული მერქან ბურბუშელის ფილით (ლამინატი)	ცალი	15					„შემსყიდველის“ მოთხოვნიდან 10 (ათი) სამუშაო დღის განმავლობაში. შემდეგ მისამართზე: ქ. ოზურგეთი, გოგებაშვილის ქ. N2
სულ ჯამი:									

- მოწოდებული საქონელი უნდა შეესაბამებოდეს ან აღემატებოდეს სატენდერო დოკუმენტაციის ტექნიკური დავალებით მოთხოვნილს.
- შესყიდვის ობიექტის სპეციფიკაცია იხილეთ დანართში N3

შენიშვნა: მოსაწოდებელ საქონელზე საგარანტიო ვადა არანაკლებ 1 (ერთი) წელი, საქონლის მოწოდების თარიღიდან.

პრეტენდენტის ხელმოწერა _____